

資治通鑑綱目卷之四十六

明 史官陳仁錫評閱

起已未唐代宗大曆十四年
盡甲子德宗興元元年四月
凡五年有奇

已未十四年春正月以李泌為澧州刺史
質實
澧州

注見高宗
上元二年

常袞言於上曰陛下久欲用李泌昔漢宣帝
欲用人為公卿必先試理人請且以為刺史
使周知人間利病
俟報政而用之

李鄴侯尚
待試而後
用耶則代
宗與鄴侯
未嘗相知
也

進

通鑑綱目 卷四十六 唐代宗大曆十四年 正編

二月田承嗣卒

以其姪悅為

質實

魏博軍名注見漢成帝綏和二年

魏博留後

書法

節度卒書某節度使某卒恒辭也此其不書何削之也承嗣叛逆稽誅帝

雖復其官爵直筆所不容也故特削之

二月淮西將李希烈逐其節度使李忠臣詔以

希烈為留後

李忠臣貪殘好色將吏妻女美者多逼淫之悉以軍政委副使張惠光惠光挾勢暴橫軍

州苦之、都虞候李希烈其族子也、爲衆所服、因衆心怨怒殺惠光而逐忠臣、忠臣奔京師、以希烈

質實

京師注見周顯

爲留後

王二十五年

以李勉兼汴州刺史

質實

汴州注見周顯王

○

夏五月帝崩太子即位

考證

當作太子
迺即位

上崩遺詔以郭子儀攝冢宰德宗卽位、動遵禮法、食馬齒、羹不設鹽酪。

集覽

馬齒

羹馬齒菜名、今馬齒莧也、一名五行草、以其葉青梗赤花黃根白子黑也。

質實

冢宰

官名注見陳宣

帝太建九年

書法 賀善贊曰代宗之篇所可錄者謝裴
諤召郇模嫁懷恩女三事耳雖能罪

三宦誅元載其初亦由寵任之過而其未
又皆未得為盡善焉至於專事姑息逐殺

主帥命為主帥遂為後來
故事綱目尤深咎之

閏月貶崔祐甫為河南少尹

常袞性剛急為政苛細不合眾心時羣臣朝
夕臨袞哭委頓從吏或扶之中書舍人崔祐
甫曰臣哭君前有扶禮乎袞恨之會議羣臣
喪服袞以為禮臣為君斬袞三年漢文權制
猶三十六日玄宗以來始服二十七日古者
卿大夫從君而服羣臣當從皇帝二十七日

祐甫不據禮而力爭幸當時仍從衮議不然喪禮廢矣

進退

貶常衮為潮州刺史以崔祐甫同平章事

而除其天下吏人三日釋服自遵遺詔祐甫以為遺詔無朝臣庶人之別皆應三日釋服相與力爭聲色陵厲衮不能堪乃奏祐甫率情變禮貶之

集覽

漢文權制注見晉武

帝泰始二年

質實

斬衮注見漢昭帝元平元年

以日易月

初肅宗之世天下務殷宰相常有數人更直決事或休沐歸第詔直事者代署其名而奏之自是踵為故事時郭子儀朱泚雖以軍功為宰相皆不預朝政衮獨居政事堂代二人署名奏貶祐甫既而二人表其非罪上問卿曷言可貶何也二人對初不知上以衮為欺

罔貶爲潮州刺史、而以祐甫代之、聞者震悚、時上居諒陰、委攻祐甫、所言皆聽、而羣臣喪服、竟用袞議、胡氏曰祐甫強辯廢禮、使其可行、則旣相之後、可以行矣、而卒從袞議、豈非理有難奪乎、○初至德以後、天下用兵、官爵冗濫、元王秉政、賄賂公行、及袞爲相、思革其弊、四方奏請一切不與、而無所甄別、賢愚同濫、祐甫欲收時望、作相未二百日、除官八百人、前後相矯、終不得其適、上嘗謂祐甫曰、人或謗卿所用多涉親故、何也、對曰、臣爲陛下選擇百官、不敢不詳慎、苟平生未之識、何以諳其才行而用之、上以爲然、司馬公曰用人者無親疎新故之殊、惟賢不肖之察、其人未必賢也、以親故而取之、固非公也、苟賢矣以

親故而捨之亦非公也天下之賢非一人所能盡若必待素識而用之所遺亦多必也舉之以衆取之以公而已不置豪髮之私於其間則無遺賢曠官之病矣

集覽

元王

元載 **質實** 休沐注見漢昭帝始元四年潮州王緡注見憲宗元和十年諒陰注見漢

昭帝元平元年賄賂王肅曰以財帛贈送曰賄賂

主德

詔罷四方貢獻又罷梨園 **質實** 梨園注見玄宗開元二年

樂工留者 **集覽** 太常寺名注見漢明帝永平二年

尚父非官制故曰尊書尊從唐

尊郭子儀為尚父加太尉兼中書令 **考異** 按封拜例

通鑑綱目 卷四十六 唐代宗大曆十四年 四 正編

之本文也

尊字畢竟
不取

曰凡賜爵號皆書注云尚父之類又尊立例曰
尊曰尊某爲某注云尊太上皇尊太皇太后尊
皇太后用此例據郭子儀乃人臣朝廷賜號不
當書尊竊攷景福二年以王瑜爲太師號尚父
天祐八年晉王推劉守光爲尚父天祐九年梁
加吳越王鏐尚父並不書尊此條尊字當作號
字。或作賜號乃與凡例合或謂尊字乃唐詔
本文然綱目所書改舊史者多矣何足嫌乎

子儀以司徒中書令領河中尹、靈州大都督、
關內河東副元帥，性寬大，政令頗不肅。代宗
欲分其權而難之，至是詔尊子儀爲尚父，加
太尉、中書令，所領副元帥諸使悉罷之，以其
裨將李懷光爲河中尹，常謙光爲靈州大都
督，渾瑊爲單于大都護，分領其任。○上以山

賢

陵近禁屠宰子儀之隸人犯禁金吾將軍裴
諝奏之或謂曰君獨不為郭公地乎諝曰此
乃所以為之地也郭公勲高望重上新即位
以為羣臣附之者眾吾故發其小過以明郭
公之不足畏上尊天子

集覽

山陵近墓

質實

下安大臣不亦可乎
靈州注見太宗貞觀二十年關內道名注見
玄宗開元十一年京兆河東郡名注見漢獻
帝建安七年尚父注見文宗開成三年
河中府名注見周赧王十二年蒲阪

書法

尚父何號也宰衡書號王莽則此曷
為書尊書尊所以見子儀之可尊也

而德宗之知所尊亦著矣書尚父始此觸
目書尚父四郭子儀書尊是年王行瑜書

號昭宗景福二年劉守光書推五代辛未
年吳越王鏐書加五代壬申年惟子儀得

尊書

主德
詔天下毋得奏祥瑞。縱馴象出宮女。

澤州上慶雲圖。上曰。朕以時和年豐爲嘉祥。以進賢顯忠爲祥瑞。如卿雲靈芝珍禽奇獸。惟艸異木。何益於人。布告天下。自今有此無得上獻。內莊宅有官租萬四千餘斛。上令分給所在充軍儲。先是外國累獻馴象。上曰。象費參養而違物性。將安用之。命縱於荆山之陽。及豹蝮鬪鷄獵犬之類。悉縱之。又出宮女數百人。於是中外皆悅。淄青軍士至投兵相

人心不難
感服惜德
宗清明之
不繼也

顧曰明主出矣。吾屬猶反乎。胡氏曰君以養人爲職。凡爲人害者必去之。故禹放龍蛇。周公驅虎豹犀象。夫象大而無用。且又傷人。受貢遠致。其害甚廣。治道建屋。儲糧衛送。較人求索。無所不至。其輕人而貴畜甚矣。德宗始初清明。其行事無愧於先王。是可法也。

集

覽卿雲天官書若烟非煙若雲非雲郁郁紛紛蕭索輪囷是謂卿雲卿雲見喜氣也正

義曰卿音慶晉天文志瑞氣一曰慶雲亦曰景雲太平之應也文選卿雲黼黻河漢注卿雲如字謂司馬長卿楊子雲也後之言瑞者皆以慶雲爲卿雲蓋亦取黼黻河漢之意豹黼並獸名陸佃云豹花如錢黑而小於虎文黼女猾反爾雅注似狗豹文或云似虎而黑

〔較人〕禮夏官較人注較之為言較也主馬者必仍較視之較戶教反漢書較獵謂連接木

以闌禽獸故謂養

禽獸者曰較人 **質實** 澤州注見梁武帝中大通六年建州一統

志云荆山在西安府富平縣西南一十里禹

貢荆岐既旅即此又帝王世紀禹鑄鼎於荆

山亦此處淄青二州名淄注見宋明帝泰始

三年青注見漢桓帝永康元年禹放龍蛇周

公驅虎豹犀象孟子滕文公章禹驅龍

蛇而放之菹周公驅虎豹犀象而遠之

以李希烈為淮西節度使

進

代宗優寵宦官奉使四方者還問其所得頗少則以為輕我命由是中使所至公求賂遺

主德

重載而歸、上素知其弊、遣中使邵光超賜希烈旌節、希烈贈之僕馬及縑七百匹、上怒。杖光超而流之。於是中使之未歸者皆潛棄所得於山谷、雖與之莫敢受。范氏曰：德宗矯代宗之失、而深懲宦官之蠹、豈不明哉！然其終也舉不信羣臣、而惟宦者之從、至委以禁兵、而其後人主廢置、遂出於其手、則其爲害又甚於代宗矣。何其明於知父而闇於知己乎！昔者明王欲改其先君之過者、殆不然。故夫德宗即位之初、凡深矯代宗之政者、愚人以爲喜、而哲人以爲憂。蓋出於一時之銳、而無忠信誠懇之心以守之。未有不甚之者也。

質實

淮西軍名注見憲宗元和十年中使注見玄宗開元十五年旌節注見秦始皇

二十六年

以馬燧為河東節度使

能

進

河東騎士單弱，燧悉召牧馬廝役，得數千人，教之數月，皆為精騎。造甲必為長短三等，稱其所衣，以便進趨。又造戰車，行則載甲兵，止則為營陳，或塞險以遏奔衝，器械無不精利。居一年，得選兵三萬，辟張建封為判官，署李自良為代州刺史，委任之。

公羊傳宣十二年注：艾草為防者曰廝。汲水漿者曰役。

質實

李自良，衮州泗水人。

集覽

廝，役也。

代州注見秦王

政三年鴈門

殺兵部侍郎黎幹

幹狡險諛佞與宦者劉忠翼相親善忠翼恃寵貪縱或言二人嘗勸代宗立獨孤貴妃子韓王迥者於是皆賜死胡氏曰黎幹小人也當黜無疑而以譖愬無實之言殺之則非矣

書法

黎幹小人也其以無罪書殺何幹可殺也以譖訴無實之言而殺之非其

罪矣綱目之例雖有罪而殺之不以其罪而以殺書之故黎幹書殺楊炎書殺崔寧

書殺

以劉晏判度支

進

能

晏之理財
全以心計
故人不煩
苦而利歸
于上

先是劉晏韓滉分掌天下財賦晏掌河南山
南江淮嶺南滉掌關內河東劔南上素聞滉
掊克故罷其利權而以晏兼之初第五琦始
權鹽以佐軍用及劉晏代之法益精密初歲
入錢六十萬緡末年所入逾十倍而人不厭
苦計一歲征賦所入總一千二百萬緡而鹽
利居其大半以鹽為漕備自江淮至渭橋率
萬斛備七千緡自淮以北列置巡院擇能吏
主之不煩州

集覽

權鹽權注見漢武帝天漢
三年權酒酤漕備注云水

運曰漕顧

質實

河南道名注見宋主昱元徽
元年山南道名注見漢獻帝

建安十二年襄陽江淮軍名注見晉成帝咸
和三年京口嶺南道名注見秦始皇三十三